

欽定四庫全書薈要

史部
正史類

吉林出版集團有限責任公司
海 天 出 版 社

目次

書名	卷次	頁次	作者
宋史	卷三四三	一三七—一	元·托克托撰
列傳第一〇二			
元絳 許將 鄧潤甫 林希			
蔣之奇 陸佃 吳居厚 溫益			
卷三四四		一三七—一三	
列傳第一〇三			
孫覺 李常 孔文仲 李周			
鮮于侁 顧臨 李之純 王覲 馬默			
卷三四五		一三七—三〇	
列傳第一〇四			
劉安世 鄒浩 陳瓘 任伯雨			
卷三四六		一三七—四一	
列傳第一〇五			
陳次升 陳師錫 彭汝礪			
呂陶 張庭堅 龔夬 孫諤 陳軒 江公望			
陳祐 常安民			
卷三四七		一三七—五六	

書名	卷次	頁次	作者
列傳第一〇六 孫馨 吳時 李昭圻 吳師禮 王漢之 黃廉 朱服 張舜民 盛陶 章衡 顏復 孫升 韓川 龔鼎臣 鄭穆 席旦 喬執中			
卷三四八 列傳第一〇七 傅楫 沈畸 徐勣 張汝明 黃葆光 石公弼 毛註 洪彥升 鐘傳 陶節夫 毛漸 王祖道 張莊 趙適		一三七—七〇	
卷三四九 列傳第一〇八 郝質 賈逵 寶舜卿 劉昌祚 盧政 燕達 妣兕 楊燧 劉舜卿 宋守約		一三七—八七	
卷三五〇 列傳第一〇九 苗授 王君萬 張守約 王文郁 周永清 劉紹能 王光祖 李浩 和斌 劉仲武 曲珍 劉闡 郭成 賈崑 張整 張蘊 王恩 楊應詢 趙隆		一三七—九七	
卷三五一 列傳第一一〇 趙挺之 張商英 劉正夫 何執中 鄭居中 張康國 朱諤 劉逵 林攄 管師仁 侯蒙		一三七—一一三	

書名	卷次	頁次	作者
卷三五二 列傳第一一一 唐恪 李邦彥 余琛 薛昂 吳敏 王安中 王襄 趙野 曹輔 耿南仲 卷三五三 列傳第一一二 何臬 孫傳 陳過庭 張叔 夜 聶昌 張閣 張近 鄭僅 宇文昌齡 許 幾 程之邵 龔原 崔公度 蒲卣 卷三五四 列傳第一一三 沈銖 路昌衡 謝文瓘 陸 蘊 黃寔 姚祐 樓昇 沈積中 李伯宗 汪 澥 何常 葉祖洽 時彥 霍端友 俞臬 蔡 巖 卷三五五 列傳第一一四 賈易 董敦逸 上官均 來 之邵 葉濤 楊畏 崔台符 楊汲 呂嘉問 李南公 董必 虞策 郭知章 卷三五六 列傳第一一五 錢拯 錢適 許敦仁 吳執 中 吳材 劉曷 宋喬年 强淵明 蔡居厚 劉嗣明 蔣靜 賈偉節 崔鷗 張根 任諒 周常		一三七—一二七 一三七—一三八 一三七—一五〇 一三七—一六〇 一三七—一七五	

書名	卷次	頁次	作者
卷三五七 列傳第一二六 何灌 李熙靖 王雲 譚世 勣 梅執禮 程振 劉延慶 卷三五八 列傳第一二七 李綱上 卷三五九 列傳第一二八 李綱下 卷三六〇 列傳第一一九 宗澤 趙鼎 卷三六一 列傳第一二〇 張浚 卷三六二 列傳第一二一 朱勝非 呂頤浩 范宗尹 范致虛 呂好問 卷三六三 列傳第一二二 李光 許翰 許景衡 張惲 張所 陳禾 蔣猷 卷三六四		一三七—一九一 一三七—一九九 一三七—二一三 一三七—二二三 一三七—二三七 一三七—二四九 一三七—二六三 一三七—二七四	

書名	卷次	頁次	作者
列傳第一二三 韓世忠			
卷三六五			
列傳第一二四 岳飛			
卷三六六			
列傳第一二五 劉琦 吳玠 吳璘			
卷三六七			
列傳第一二六 李顯忠 楊存中 郭浩 楊政			
卷三六八			
列傳第一二七 王德 王彥 魏勝 張憲 楊再興 牛皋 胡閔休			
卷三六九			
列傳第一二八 張俊 張宗顏 劉光世 王淵 解元 曲端			
卷三七〇			
列傳第一二九 王友直 李寶 成閔 趙密 劉子羽 呂祉 胡世將 鄭剛中			
卷三七一			

書名	卷次	頁次	作者
列傳第一三〇 白時中 徐處仁 馮澥 王倫 宇文虛中 湯思退		一三七—三八七	
卷三七二 列傳第一三一 朱倬 王綸 尹穡 王之望 徐俯 沈與求 翟汝文 王庶 辛炳		一三七—三九九	
卷三七三 列傳第一三二 朱弁 鄭望之 張邵 洪皓		一三七—四一五	
卷三七四 列傳第一三三 張九成 胡銓 廖剛 李迨 趙開		一三七—四三一	
卷三七五 列傳第一三四 鄧肅 李邴 滕康 張守 富直柔 馮康國		一三七—四四三	
卷三七六 列傳第一三五 常同 張致遠 薛徽言 陳淵 魏玘 潘良貴 呂本中		一三七—四五四	
卷三七七 列傳第一三六 向子諲 陳規 季陵 盧知原 陳桷 李璆 李樸 王庠 王衣			

書名	卷次	頁次	作者
卷三七八 列傳第一三七 衛膚敏 劉珏 胡舜陟 沈敏 劉一止 胡文脩 綦崇禮 卷三七九 列傳第一三八 章誼 韓肖胄 陳公輔 張翥 胡松年 曹勲 李植 韓公裔 卷三八〇 列傳第一三九 何鑄 王次翁 范同 楊願樓 樓炤 勾龍如淵 薛弼 羅汝楫 蕭振 卷三八一 列傳第一四〇 范如圭 吳表臣 王居正 晏敦復 黃龜年 程瑀 張闡 洪擬 趙逵 卷三八二 列傳第一四一 張燾 黃中 孫道夫 曾幾 勾濤 李彌遜 卷三八三 列傳第一四二 陳俊卿 虞允文 辛次膺 卷三八四		一三七—四六八 一三七—四八四 一三七—四九七 一三七—五一二 一三七—五二八 一三七—五四五 一三七—五六〇	

書名	卷次	頁次	作者
列傳第一四三 陳康伯 梁克家 汪澈 葉義問 蔣芾 葉顥 葉衡		一三七—五七二	
卷三八五 列傳第一四四 葛邲 錢端禮 魏杞 周葵 施師點 蕭燧 龔茂良		一三七—五八四	
卷三八六 列傳第一四五 劉珙 王藺 黃祖舜 王大寶 金安節 王剛中 李彥穎 范成大		一三七—五九九	
卷三八七 列傳第一四六 黃洽 王應辰 王十朋 吳芾 陳良翰 杜莘老		一三七—六一四	
卷三八八 列傳第一四七 周執羔 王希呂 陳良祐 李浩 陳橐 胡沂 唐文若 李燾		一三七—六三一	
卷三八九 列傳第一四八 尤袤 謝諤 顏師魯 袁樞 李椿 劉儀鳳 張孝祥		一三七—六四五	
卷三九〇			

書名	卷次	頁次	作者
列傳第一四九 李衡 王自中 家願 張綱 張大經 蔡洸 莫濛 周淙 劉章 沈作賓 卷三九一 列傳第一五〇 周必大 留正 胡晉臣 卷三九二 列傳第一五一 趙汝愚		一三七—六五六 一三七—六六五	

欽定四庫全書薈要

史部
宋史卷三百四十三

欽定四庫全書薈要卷五千九百七十一

史部

宋史卷三百四十三

元中書右丞相總裁托克托等修

列傳第一百二

元絳許將鄧潤甫林希弟旦

蔣之奇陸佃吳居厚溫益

元絳字厚之其先臨川危氏唐末曾祖仔倡聚眾保鄉里進據信州為楊氏所敗奔杭州易姓曰元祖德昭仕

欽定四庫全書

宋史
卷三百四十三

吳越至丞相遂為錢塘人絳生而敏悟五歲能作詩九歲謁荆南太守試以三題上諸朝貧不能行長舉進士以廷試誤賦韻得學究出身再舉登第調江寧推官攝上元令民有號王豹子者豪占人田略男女為僕妾有欲告者則殺以滅口絳捕置于法甲與乙被酒相毆擊甲歸臥夜為盜斷足妻稱乙告里長執乙詣縣而甲已死絳救其妻曰歸治而夫喪乙已伏矣陰使信謹吏迹其後望一僧迎笑切切私語絳命取僧繫廡下詰妻姦

詳校官編修臣王天祿

狀即吐實人問其故絳曰吾見妻哭不哀且與傷者共席而襦無血污是以知之安撫使范仲淹表其材知永新縣豪子龍聿誘少年周整飲博以技勝之計其貲折取上腴田立券久而整母始知之訟于縣縣索券為證則母手印存弗受又訟于州于使者擊登聞鼓皆不得直絳至母又来訴絳視券呼謂聿曰券年月居印上是必得周母他牘尾印而撰偽券續之耳聿駭謝即日歸整田知通州海門縣淮民多盜販鹽制置使建言滿二

欽定四庫全書

宋史
卷三百四十三

二

十斤者皆坐徒絳曰海濱之人恃鹽以為命非羣販比也笞而縱之擢江西轉運判官知台州大水冒城民廬蕩析絳出庫錢即其處作室數千區命人自占與期三歲償費流者皆復業又甓其城因門為牖以禦湍漲後人守其法入為度支判官儂智高叛嶺南宿軍邕州而歲漕不足絳以直集賢院為廣東轉運使建瀕江水砦數十以待逋寇繕治十五處樓堞械器皆備軍食有餘以功遷工部郎中歷兩浙河北轉運使召拜鹽鐵副

使擢天章閣待制知福州進龍圖閣直學士徙廣越荆南為翰林學士知開封府拜三司使參知政事數請老神宗命其子耆寧校書崇文院慰留之會太學虞蕃訟博士受賄事連耆寧當下獄絳請上還職祿而容耆寧即訊於外從之於是御史至第薄責絳絳一不自辨罷知亳州入辭帝謂曰朕知卿一歲即召矣卿意欲陳訴乎絳謝罪願得穎即以為穎州明年加資政殿學士知青州過都留提舉中太一宮力疾入謁曰臣疾憊子弱

欽定四庫全書

宋史
卷三百四十三

三

儻一旦不幸死則遺骸不得近先人丘墓帝惻然曰朕為卿辦襄雖百子何以加詔母多拜乘輿行幸勿扈從又明年以太子少保致仕絳所至有威名而無特操少儀矩仕已顯猶謂遲晚在翰林諂事王安石及其子弟時論鄙之然工於文辭為流輩推許景靈宮作神御十一殿夜傳詔草上梁文遲明上之雖在中書而耆衷書詔猶多出其手既得謝帝眷耆命之曰卿可營居京師朕當資幣金且便耆寧仕進絳曰臣有田廬在吳乞歸

鬻之即築室都城得望屬車之塵幸矣敢冀賜耶既行追賚白金千兩敕以蚤還絳至吳踰歲以老病奏恐不能奉詔三年而薨年七十六贈太子少師謚曰章簡

許將字冲元福州閩人舉進士第一歐陽修讀其賦謂曰君辭氣似沂公未可量也簽書昭慶軍判官代還當試館職辭曰起家為官本代耕爾願以守選餘日讀所未見書宰相善其志以通判明州神宗召對除集賢校理同知禮院編修中書條例自太常丞當轉博士超改

右正言明日直舍人院又明日判流內銓皆神宗特命舉朝榮之初選人調擬先南曹次考功綜核無法吏得緣文為姦選者又不得訴長吏將奏罷南曹闕公舍以待來訴者士無留難進知制誥特敕不試而命之契丹以兵二十萬壓代州境遣使請代地歲聘之使不敢行以命將將入對曰臣備位侍從朝廷大議不容不知萬一北人言及代州事不有以折之則傷國體遂命將詣樞密院閱文書及至北境居人跨屋棟聚觀曰看南朝

狀元及肄射將先破的契丹使蕭禧館客禧果以代州為問將隨問隨荅禧又曰界渠未定顧和好體重吾且往大國分畫矣將曰此事申飭邊臣豈不可何以使為禧慙不能對歸報神宗善之以將知審官西院直學士院判尚書兵部時河北保甲陝西河東弓箭社閩楚槍仗手雖有名籍其多少與年月不均以致閱按無法將一切整攝之進翰林學士權知開封府為同進所忌會治太學虞蕃訟釋諸生無罪者蔡確舒亶因陷之逮其

父子入御史府踰月得解黜知蘄州明年以龍圖閣待制起知秦州改揚州又改鄆州上元張燈吏籍為盜者繫獄將曰是絕其自新之路也悉縱遣之自是民無一人犯法三圉皆空父老歎曰自王沂公後五十六年始再見獄空耳鄆俗士子喜聚肆以謗官政將雖弗禁其俗自息名為兵部侍郎上疏言兵指於形勢之內最彰而易知隱於權用之表最微而難能此天下之至機也是以治兵有制名雖不同從而橫之方而圓之使萬衆

猶一人車馬有數用雖不同合而分之散而歛之取四方猶跬步制器有度工雖不同左而右之近而遠之運衆算猶掌握非天下之至神孰能與此又條奏八事以為兵之事有三曰禁兵曰廂兵曰民兵馬之事有三曰養馬曰市馬曰牧馬兵器之事有二曰繕作曰給用及西方用兵神宗遣近侍問兵馬之數將立具上之明日訪樞臣不能對也以龍圖閣直學士知成都府元祐三年再為翰林學士四年拜尚書右丞將自以在先朝為

欽定四庫全書

宋史
卷三百四十三

六

侍從每討熙豐舊章以聞中旨用王文郁姚兕領軍執政復議用張利一張守約將始與執政同議復密疏利一不可用言者論其窺伺主意銜直賣友罷為資政殿學士知定州移揚州又移大名府會黃河東北二議未決將曰度今之利謂宜因梁村之口以行東因內黃之口以行北而盡閉諸口以絕大名諸州之患俟水大至觀故道足以受之則內黃之口可塞不足以受之則梁村之口可以止兩不能相奪則各因其自流以待之紹

聖初入為吏部尚書上疏乞依元豐詔定北郊夏至親祀拜尚書左丞中書侍郎章惇為相與蔡卞同肆羅織貶謫元祐諸臣奏發司馬光墓哲宗以問將對曰發人之墓非盛德事方黨禍作或舉漢唐誅戮故事帝復問將對曰二代固有之但祖宗以來未之有本朝治道所以遠過漢唐者以未嘗輒戮大臣也哲宗皆納之將嘗議正夏人罪以涇原近夏而地廣謀帥尤難乞用章案案果有功崇寧元年進門下侍郎累官金紫光祿大夫

欽定四庫全書

宋史
卷三百四十三

七

撫定鄆廓州邊臣欲舉師渡河朝議難之將獨謂外國不可以爽信而兵機有不可失既已戒具願遂從之未幾捷書至將以復河湟功轉特進凡居政地十年御史中丞朱諤取將舊謝章表析文句以為謗且謂將左顧右視見利則回幡然改圖初無定論元祐間嘗為丞轄則盡更元豐之所守紹聖初復秉鈞軸則陰匿元祐之所為逮至建中尚此冒居則紹聖之所為已皆非矣強顏今日亦復偷安則建中之所為亦隨改焉遂以資政

殿大學士知河南府言者不已降資政殿學士知潁昌府移大名加觀文殿學士奉國軍節度使在大名六年數告老名為祐神觀使政和初卒年七十五贈開府儀同三司謚曰文定子份龍圖閣學士

鄧潤甫字溫伯建昌人嘗避高魯王諱以字為名別字聖求後皆復之第進士為上饒尉武昌令舉賢良方正召試不應熙寧中王安石以潤甫為編修中書戶房事神宗覽其文除集賢校理直舍人院改知諫院知制誥同鄧綰張琥治鄭俠獄深致其文入馮京王安國丁諷王堯臣罪擢御史中丞上疏曰向者陛下登用雋賢更易百度士狃於見聞蔽於俗學競起而萃非之故陛下排斥異論以圖治功然言責之路反為壅抑非徒抑之又或疑之論郵民力則疑其違道干譽論補法度則疑其同乎流俗論斥人物則疑其訐以為直故敢言之氣日以折而天下事變有不得盡聞曩變法之初勢自當爾今法度已就緒宜有以來天下論議至於淫辭詖行

有挾而發自當屏棄如此則善言不伏而致大治也李憲措置熙河邊事潤甫率其屬周尹蔡承禧彭汝礪上書切諫其略云自唐開元以來用楊思勗魚朝恩程元振吐突承瓘為將有功則負勢驕恣陵轢公卿無功則挫損國威為四國笑今陛下使憲將兵功之成否非臣等所能預料然以往事監之其有害必矣陛下仁聖神武駕御豪傑雖憲百輩顧何能為獨不長念卻慮為萬世之計乎豈可使國史所書以中人將兵自陛下始後世沿襲故迹視以為常進用其徒握兵柄則天下之患將有不可勝言者矣不聽又言興利之臣議前代帝王陵寢許民請射耕墾而司農可之唐之諸陵因此悉見芟劉昭陵喬木翦伐無遺熙寧著令本禁樵采遇郊祀則敕吏致祭德意可謂遠矣小人培克不顧大體願紬創議之人而一切如令從之遷翰林學士因論奏相州獄為蔡確所陷落職知撫州移杭州以龍圖閣直學士知成都府名復翰林學士兼掌皇子閣牋記一時制作

獨倚潤甫焉哲宗立惟潤甫在院一夕草制二十有二進承旨修撰神宗實錄以母喪去終制為吏部尚書梁燾論其草蔡確制妄稱有定策功乃以龍圖閣學士知亳州閱歲復以承旨召數月除端明殿學士禮部尚書請郡得知蔡州移永興軍元祐末以兵部尚書召紹聖初哲宗親政潤甫首陳武王能廣文王之聲成王能嗣文武之道以開紹述遂拜尚書左丞章惇議重謫呂大防劉摯潤甫不以為然曰俟見上當力爭無何暴卒年六十八輟視朝二日以嘗掌均邸牋奏優贈開府儀同三司謚曰安惠

欽定四庫全書

宋史
卷三百四十三

十一

林希字子中福州人舉進士調涇縣主簿為館閣校勘集賢校理神宗朝同知太常禮院皇后父喪太常議服淺素希奏禮后為父降服暮今服淺素不經及遣使高麗希聞命懼形於色辭行神宗怒責監杭州樓店務歲餘通判秀州復知太常禮院遷著作佐郎禮部郎中元豐六年詔修兩朝實訓上之元祐初歷祕書少監起居

舍人起居郎進中書舍人言者疏其行誼浮偽士論羞薄不足以玷從列以集賢殿修撰知蘇州更宣湖潤杭亳州加天章閣待制紹聖初進寶文閣直學士知成都府道闕下會哲宗親政章惇用事嘗曰元祐初司馬光作相用蘇軾掌制所以能鼓動四方安得斯人而用之或曰希可惇欲使希典書命遲毒於元祐諸臣且許以為執政希亦以久不得志將甘心焉遂留行復為中書舍人修神宗實錄兼侍讀哲宗問神宗殿曰宣光前代有此名乎希對曰此石勒殿名也乃更為顯承時方推明紹述盡黜元祐羣臣希皆密豫其議自司馬光呂公著大防劉摯蘇軾轍等數十人之制皆希為之詞極其醜詆至以老姦擅國之語陰斥宣仁讀者無不憤歎一日希草制罷擲筆于地曰壞了名節矣遷禮部吏部尚書翰林學士擢同知樞密院始惇疑曾布在樞府間已使希為貳以相伺察希曰為布所誘且怨惇不引為執政遂叛惇會邢恕論希罪惇因并去之罷知亳州移

欽定四庫全書

宋史
卷三百四十三

十一